

**BUDŽETA OPĆINE HADŽIĆI ZA 2000. GODINU  
po razdjelima i ekonomskim klasifikacijama izdataka****Član 4.**

O korištenju sredstava tekuće rezerve Budžeta odlučuje općinski načelnik.

U tekuću Budžetsku rezervu izdvaja se 60.000 KM.

**Član 5.**

Ovaj budžet stupa na snagu danom objave u "Službenim novinama Kantona Sarajevo", a važi za fiskalnu 2000. godinu.

Broj 01-14-640/00	Predsjedavajući
28. februara 2000. godine	Općinskog vijeća Hadžići
Hadžići	dr. Muhamed Proha, s. r.

Na osnovu člana 31. Statuta Općine Hadžići ("Službene novine Kantona Sarajevo", broj 5/98) i člana 5. Odluke o uslovima i načinu dodjele šestomartovske plakete i šestomartovske pohvale, a na prijedlog Komisije Općinskog vijeća za odlikovanja i općinska priznanja, Općinsko vijeće Hadžići, na sjednici održanoj 28. februara 2000. godine, donijelo je

**ODLUKU****O DODJELJIVANJU „ŠESTOMARTOVSKJE PLAKETE”  
I „ŠESTOMARTOVSKJE POHVALE” ZA 2000. GODINU****Član 1.**

Općinsko vijeće Hadžići za značajna ostvarenja u borbi protiv agresije na suverenitet države Bosne i Hercegovine i izuzetne uspjehe u radu postignute u svim oblastima političkog i društvenog života i rada, za kontinuirani rad ili za izuzetna djela priznata u oblasti privrede, zdravstva i sporta, dodjeljuje Općinsko priznanje.

**I - „ŠESTOMARTOVSKU PLAKETU”:**

1. IX BRDSKA BRIGADA
2. POLICIJSKA UPRAVA HADŽIĆI
3. RVI HADŽIĆI
4. ORGANIZACIJA ŠEHIDA I POGINULIH BORACA HADŽIĆI
5. ŽRK "ŽELJEZNIČAR - INGRAP" HADŽIĆI
6. MJEŠOVITA SREDNJA ŠKOLA HADŽIĆI
7. FUDBALSKI KLUB "RADNIK" HADŽIĆI

8. KAZIĆ NEZIR
9. TUFO REFIK
10. HASIĆ FIKRET - GROBAR
11. IBLIZOVIĆ dr. MIRZA
12. DŽELKO ZIFET - PIDŽ

**„ŠESTOMARTOVSKU POHVALU”:**

1. OSNOVNA ŠKOLA "6. MART" HADŽIĆI
2. OSNOVNA ŠKOLA "9. MAJ" PAZARIĆ
3. OSNOVNA ŠKOLA "HILMI ef. ŠARIĆ" TARČIN
4. KK "BOŠNJAK-COSEKO" - HADŽIĆI
5. SKI KLUB "ŠAVNICI" PAZARIĆ
6. SID "IGMAN" HADŽIĆI
7. ZAVOD ZA ZAŠTITU DJECE I OMLADINE PAZARIĆ
8. PDI "BJELAŠNICA" HADŽIĆI
9. JKP "KOMUNALAC" HADŽIĆI
10. ČIKO NIHAD
11. TABAK HASIB
12. DRINA ADEM
13. ŠEHIĆ NIHAD
14. DŽUDERIJA dr. MURAT
15. MUSTO ZEHRA
16. FEJZIĆ SEDIK
17. ŠABIĆ MIRSAĐ
18. DRINA ŠABAN
19. KOTJELNIKOV dr. BRANISLAV
20. JAHIĆ ADIL
21. ŠARIĆ MEVLUDIN

**Član 2.**

Priznanja će se uručiti 6. marta, na Dan Općine Hadžići.

**Član 3.**

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-639/00	Predsjedavajući
28. februara 2000. godine	Općinskog vijeća Hadžići
Hadžići	dr. Muhamed Proha, s. r.

**OPĆINA NOVO SARAJEVO****Općinsko vijeće**

Na osnovu čl. 36. i 37. Ustava Kantona Sarajevo ("Službene novine Kantona Sarajevo", br. 1/96, 2/96, 3/96 i 16/97) i člana 9. Zakona o lokalnoj samoupravi ("Službene novine Kantona Sarajevo", broj 19/97), čl. 53. i 56. Zakona o prostornom uređenju i Zakona o izmjenama i dopunama Zakona o prostornom uređenju ("Službene novine Kantona Sarajevo", broj 13/99) i člana 20. i člana 64. stav 1. tačka 2. Statuta Općine Novo Sarajevo ("Službene novine Kantona Sarajevo", br. 11/99 i 19/99), Općinsko vijeće Novo Sarajevo, na 24. sjednici održanoj dana 2. marta 2000. godine, donijelo je

**ODLUKU****O USVAJANJU URBANISTIČKOG PROJEKTA  
„DŽAMIJE-HRASNO BRDO”****Član 1.**

Usvaja se Urbanistički projekat Džamije - Hrasno Brdo (u daljem tekstu: Projekat).

**Član 2.**

Projekat se sastoji od tekstualnog i grafičkog dijela.

Tekstualni dio sadrži:

- Projekciju izgradnje i uređenja prostorne cjeline sa mjerama i aktivnostima za provođenje Projekta,
- Odluku o provođenju Projekta.

Grafički dio sadrži:

- Urbanizam prezentiran na odgovarajućem broju tematskih karata;
- Idejna rješenja saobraćaja, komunalne i energetske infrastrukture i hortikulture.

**Član 3.**

Po jedan primjerak ovjerenog elaborata nalazi se na stalnom javnom uvidu i čuva u službi dokumentacije Općine Novo Sarajevo, Zavoda za planiranje razvoja Kantona Sarajevo i Ministarstva prostornog uređenja i komunalnih poslova.

**Član 4.**

Ova odluka stupa na snagu osmog dana od dana

objavljivanja u "Službenim novinama Kantona Sarajevo".  
Broj 01-02-437/00  
2. marta 2000. godine

Sarajevo

Predsjedavajući  
Općinskog vijeća  
mr. **Aida Habul**, s. r.

## OPĆINA NOVI GRAD

### Općinsko vijeće

Na osnovu člana 32. Statuta Općine Novi grad Sarajevo ("Službene novine Kantona Sarajevo", broj 9/98), na prijedlog Službe za privredu i finansije Općine Novi grad Sarajevo, Općinsko vijeće na 23. sjednici održanoj 29. februara 2000. godine, donijelo je

### ODLUKU

#### O IZMJENI I DOPUNI ODLUKE O NAČINU I POSTUPKU PRODAJE GARAŽA U VLASNIŠTVU OPĆINE NOVI GRAD SARAJEVO

##### Član 1.

U Odluci o načinu i postupku prodaje garaža u vlasništvu Općine Novi grad Sarajevo ("Službene novine Kantona Sarajevo", broj 11/99), pravni osnov mijenja se i glasi:

"Na osnovu člana 2. Zakona o vlasničko-pravnim odnosima ("Službene novine Federacije BiH", broj 6/98), čl. 2. i 27. Zakona o prometu nepokretnosti ("Službeni list SRBiH", broj 38/78) i člana 1. Zakona o potvrđivanju uredbi sa zakonskom snagom ("Službeni list RBiH", broj 13/94), te člana 32. Statuta Općine Novi grad Sarajevo ("Službene novine Kantona Sarajevo", broj 9/98)".

##### Član 2.

Članu 17. Odluke o načinu i postupku prodaje garaža u vlasništvu Općine, dodaje se novi stav 2. koji glasi:

"Ugovor zaključuju na osnovu Zakona i ove odluke načelnik Općine ili drugi ovlašteni službenik i kupac nepokretnosti."

##### Član 3.

Odluka stupa na snagu osam (8) dana od dana donošenja, a objavit će se u "Službenim novinama Kantona Sarajevo".

Broj 01-02-25/13/2000  
29. februara 2000. godine  
Sarajevo

Predsjedavajući  
Općinskog vijeća  
**Ismet Čengić**, s. r.

Na osnovu člana 30. Statuta Općine Novi grad Sarajevo ("Službene novine Kantona Sarajevo", broj 9/98) i člana 90. Poslovnika o radu Općinskog vijeća Novi grad Sarajevo ("Službene novine Kantona Sarajevo", broj 10/98) i člana 14. Zakona o javnom redu i miru ("Službene novine Kantona Sarajevo", broj 9/99), Općinsko vijeće, na svojoj 23. sjednici održanoj 29. februara 2000. godine, donijelo je

### ODLUKU

#### O JAVNOM REDU I MIRU

##### I - OPĆE ODREDBE

##### Član 1.

Ovom odlukom štitit će se javni red i mir na području općine Novi grad Sarajevo, te se utvrđuje koje radnje, postupci i ponašanja pored prekršaja utvrđenih Zakonom o javnom redu i miru predstavljaju prekršaje protiv javnog reda i mira.

##### Član 2.

Prekršaje protiv javnog reda i mira u smislu ove odluke predstavljaju sljedeće radnje, postupci i ponašanje:

1. Uznemiravanje građana pjevanjem, vikanjem, igranjem kola, plesanjem, sviranjem i na drugi način u stanovima ili na otvorenom prostoru, u naseljima u vremenu od 22,00

do 06,00;

2. Izvođenje muzike i upotreba uređaja za reprodukciju muzike u ugostiteljskim objektima bez odobrenja nadležnog organa, i to:
  - a) u zatvorenom prostoru u ugostiteljskim objektima koji se nalaze u stambenim zgradama ili njihovoj neposrednoj blizini od 22,00 do 06,00 časova,
  - b) u baštama ugostiteljskih objekata koji se nalaze u stambenim zgradama ili njihovoj neposrednoj blizini od 22,00 do 06,00 časova, a uz upotrebu pojačala zvuka od 21,00 do 06,00 časova,
  - c) u ugostiteljskim objektima koji se nalaze u stambenim zgradama ili njihovoj neposrednoj blizini u zatvorenim prostorijama od 00,00 do 06,00 časova, a u baštama tih objekata uz upotrebu pojačala zvuka od 22,00 do 06,00 časova;
3. Upotreba aparata - muzičkih instrumenata sa pojačanjem zvuka u naselju, na otvorenom prostoru, bez pribavljanja odobrenja;
4. Ulaženje u prostorije i u građene prostore preduzeća i javnih ustanova i drugih ustanova na mjestima koje nisu određena za ulaz, kao i izlaženja van mjesta određenih za izlaz;
5. Stvaranje nepotrebne buke prijevozom, utovarom i istovarom pojedinih vrsta roba ili smeća, sječenjem drva ili drugih drvenih ili metalnih predmeta u toku noći i od 14,00 do 17,00 časova;
6. Prskanje prolaznika vodom prilikom pranja ulica, pločnika, dvorišta i zalijevanjem vrtova i travnjaka;
7. Bacanje na prolaznike i automobile leda i snijega savijenog u grudve, bacanje kamenja ili drugih predmeta kao i baca-nje iz zgrada ili ograđenih prostora predmeta ili prosipanje tekućine na prolaznike;
8. Postupanje sa životinjama na način koji izaziva uznemiravanje i negodovanje građana:
  - a) puštanje i vođenje psa na javnom mjestu bez zaštitne korpice na njušci i povodca;
  - b) držanje opasnih životinja na način kojim se može ugroziti život i zdravlje građana, ne isticanje upozorenja na opasnost od takvih životinja na ulazu i zatvoreno dvorište ili drugi određeni prostor gdje su smještene,
  - c) držanje životinja u naseljenom mjestu koje remete noćni mir građana,
  - d) surovo postupanje sa životinjama na javnom mjestu, podstrekivanje na borbu i izazivanje životinja;
9. Uznemiravanje građana upotrebom zvona kucanjem ili udaranjem na vrata stana bez potrebe, radi prodaje robe, ili pružanje usluga kad roba ili usluge nisu ugovorene ili naručene;
10. Pranje motornih vozila, prosipanje motornog ulja na mjestu gdje to nije predviđeno i pranje ćilima ispred zgrada;
11. Kačenje, penjanje, iskakanje i izlaženje iz sredstava javnog prijevoza u pokretu;
12. Neovlašteno izvođenje radova na električnim i telefonskim mrežama u stambenim zgradama, za čije je izvođenje potrebno odobrenje i saglasnost nadležnog